

XII. Regias imperatoribus futuris in ima parte 29
alui exstruunt amplas, magnificas, separatas, tuber-
culo eminentes, quod si exprimatur, non gignuntur.
Sexangulae omnes cellae a singulorum pedum opere.
Nihil horum statu tempore, sed rapiunt diebus sere-
nis munia. Melle uno alteroue summum die cellas
replent.

(12). Venit hoc ex aëre et maxime siderum 30
exortu, praecipueque ipso Sirio explendescente, nec
omnino prius Vergiliarum exortu, sublucanis tempo-
ribus. Itaque tum prima aurora folia arborum melle
roscida inueniuntur; ac si qui matutino sub diu fuere,
unctas liquore uestes capillumque concretum sentiunt,
siue ille est caeli sudor, siue quaedam siderum saliuia,
siue purgantis se aëris sucus; utinamque esset purus
ac liquidus et suae naturae, qualis defluit primo!
Nunc uero e tanta cadens altitudine multumque, 31
dum uenit, sordescens et obuio terrae halitu infectus,
praeterea e fronde ac pabulis potus, et in utriculos
congestus apium — ore enim eum uomunt —, ad hoc
suco florum corruptus et *in* aluis maceratus totiens-
que mutatus, magnam tamen caelestis naturae uolup-
tatem adfert.